

DISPUTATIO JURIDICA
De
COLLATIO-
NE BONORUM

Quam 1667 13.
Auspiciis gratiæ divinæ feliciter adjutus

Sub Præsidio,

VIRI MAGNIFICI, NOBILISSIMI,
AMPLISSIMI & CONSULTISSIMI

DOMINI

JOHANNIS REBHANII,

Jcti, Com. Palat. Cæsar. Cod. & Feudal. Consuet.
Prof. P. Celeberrimi, Colleg. Jurid. Senior. graviss.
divers. Stat. Consiliarij.

Domini Patroni, Fautoris & Præceptoris
sui æternum devenerandi.

Publicè proponet & defendere
allaborabit

THEODORUS SPOLTMANN,

Weerdensis. Autor.

addiem Februarij 4. Martij.

ARGENTORATI,

Typis JOHANNIS PASTORII,
ANNO M DC LXVII.

I. N. I.
PRÆFATIO.

Ircumspicienti mihi de argu-
mento, quod disputatione ali-
qua proponearem, persuasum
est, ut tempus & operam in tra-
etationem talis materiæ collocareim, quæ a-
liquando prodeesse posset; quapropter, cum
id jure recusare non potuerim, *de Collatio-*
nē Bonorum, tanquam materia satis nobili
& in forensibus controversiis frequenter oc-
currente agere cōstitui, eamque pro ingenij
modulo, quantum hinc inde ex Commentatoribus Juris, maximè verò Digestorum &
Codicis libris de ea colligere licuit, aliquot
thesibus circumscribere volui, exactam ejus
enodationem committens iis, qui ingenij
acumine prædicti, huic negotio justum, quod
requirere videtur, tempus impendere cupi-

A 2 unt.

21

unt. Antequam autem ulterius progredi-
ar, supremi Numinis auxilium & opem im-
ploro, ut hunc laborem & cætera omnia fe-
licissimo progressu & egressu pro infinita sua
bonitate beare velit.

THES. I.

ET primò quidem non sinistre me facturum
puto, si quedam de voce *Collationis* perpendam ne
propter ignorantiam termini res obscurior sit, &
hoc in multis materiis, non solum veteribus *J. C. tis*
vetum etiam recentioribꝫ perusitatum & frequens
fuisse elegantissimè demonstrat Magnificus Dn. Praes, Patronus
ac Praeceptor aeternā grati animi memoriam devenerandus in princi-
pio *Hodegeta Iuris*. Quod itaque vocabulum *Collationis* attinet, sci-
endum est, non esse primitivum sed derivatum verbale. descendit
enim à supino collatum verbi Confero, hoc autem à prepositione
Con & verbo Fero; quæ duo verba maximè in subjecta materia
differunt; Conferre namque pro simul & in medium inferre, Fer-
re autem pro auferre & adimere sàpè accipitur. l. 3. §. 2. ff. de Collat.
l. 20. in pr. ff. de bon. poss. contr. tab. l. 1. ff. defurt. §. furtum autem Inst.
de obl. quia ex del. nase.

2. Relicta derivatione nominis explicanda venit *Homony-
mia*; ubi notandum, quod vocabulum *Collationis* sumatur variè:
Sic homines Pontificiæ religioni addicti connam, quam tempore
præsertim quadragesimali jejunantes faciunt, ad sustentationem
naturæ, Collationem vocare solent. Sic assignatio & concessio be-
neficij ecclesiastici vacantis Collatio dicitur in Cap. relatum est 9.
x. de prab. & dignit. In jure civili sumitur interdum pro contribu-
tione & solutione alicuius pecuniaæ ad opus publicum Perez. in
Comm. C. ad h. t. in pr. interdum pro dilatione temporis ac negotijs
peragendi l. 9. ff. de sponsal. l. 12. pr. ff. de jur. dot. interdum pro di-
stinctione libitorum; siquidem novellæ constitutiones Justiniani in
novem

f.

nōvem Collationes divisā deprehenduntur: Nonnunquam pro translatione sic enim usurpati non tantum in hac materia, verum etiam alibi docet C. I. A. lib. 37. tit. 6. th. 1. veluti alicui conferre honorem, dignitatem &c. Nov. 81. in pr. nonnunquam aliis modis, quos apud Lexicographos videlicet. In hoc autem instituto propriè Collatio restringitur & accipitur pro privata quadam contributione facienda inter liberos, qui simul admitti, ad communis parentis successionem desiderant T. treutl. vol. 2. diff. 17. th. 1. lit. a. in exeg.

3o Synonymicē conferte dicitur in commune redigere l. i. §. 11. ff. h. t. cum bonis confundere l. 8. C. eod. l. 8. c. de bon. proscript. Collatione fungi, Collationis munere fungi, munus Collationis sustinere l. 3. de Collat. dor. Germanicē, einverffen/in gescincine theilung bringent/ D. Hahn. in observ. ad Wesenb. hic. n. 1.

4. Tantum de ipso vocabulo Collationis; sequitur origo juris de collatione facienda constituti, extensi & restricti. Jus hoc primitus à Prætore introductum esse, nemo est, qui dubitat, idq; patet ex l. i. & tot. tit. de Collation. Cum enim prætori nimis durum videretur liberos emancipatos jure civili adeò pro extraneis haberi l. 55. §. 1. de R. N. tit. ff. à parente in testamento præteriti essent, nullo modo ad ejus bona hereditatemque pervenire possent, §. 9. Inst. de hered. que ab intest. def. hoc beneficium Emancipatis indulxit, ut tam bonorum possessionem contra tabulas, si nimirum à parente præteriti essent §. 3. Inst. de exher. liber. l. 4. ff. de B.P.C.T. quam bonorum possessionem ex capite Edicti. Unde Liberi: si mortuus esset intestatus, peterent, atque ita cum liberis mortis tempore in potestate existentibus, nec tamen institutis, nec, ut oportebat, ritè exhereditatis succederent. l. 8. §. 2. ff. de bon. poss. contr. tab. §. eadem bac. 12. Inst. de hered. que ab intest.

5. Quoniam autem exinde suis heredibus inferebatur iniuria, tum quia emancipati ita per beneficium prætoris paternæ hereditatis participes facti, ejusdem portionem aliquam illis justificari juris civilis regulas debitam auferebant; tum quia sui omnia acquisita quoquinque titulo, excepto peculio castrensi & quasi patri acquirebant l. 79. ff. de acq. hered. l. 1. pr. Si à par. quis manum. l. 1. §. 15. ff. h. t. §. igitur. 1. Inst. per quas pers. cuiq; acq. & sic per suos acquisita

A 3

21

quisita parentibus post mortem patris veniebant dividenda cum emancipatis, qui nihil patri acquirebant sed omnia quæsita extra familiam sibi seorsim afferryabant.

6. Ideo, ne ex hac injuria liberi integri juris haberent, quod quererentur, prætor eà injuriā inspecta, de remedio, quo eam compensaret, cogitavit ac introduxit, ut emancipi ad successionem patris una cum fratribus suis heredibus venire cupientes, bona ea, quæ si in potestate mansissent, patri fuissent acquisita, fratribus conferrent. *Æquum enim prætori visum est, inquit JCTus in l. 1. b. ut sua quoque bona in medium conferant, qui appetunt paterna; cum enim petendo contra tabulas, bonorum possessionem, emancipatus petat pro se & suo commodo, ac proinde habeatur, ac si non esset emancipatus, merito, quasi non emancipatus sua cum ceteris dividere & communicare necesse habet, id que propter vulgatum: quod quinque iuris in alterum &c. accedit quod nemo locupletari debeat cum alterius danno. l. 206. de R. I.*

7. Jus hoc extensum est, partim Jurisconsultorum responsis; partim Constitutionibus Imperatorum.

8. Secundum verba edicti Prætoris, tum demum collatio locum habebat, quando suus & emancipatus eodem & quidem jure prætorio succedebant: Verum JCTus Scævola, eum videret nimium eo modo jura collationum coangustari, respondit, ut sive eodem sive diverso jure succedant, modò eodem possint, collationi locus sit. l. 10. ff. b. t. Vid. Vital, Nemauf, & Brunner, *de Collatione*.

9. Huic Edicto & responso Scævola, superadditum est à Divo Pio in l. 1. de Collat. dor. ut filia in potestate dotem, si quam à communī parente acceperit, fratri & sorori conferre teneatur. Bach. ad Trent. d. diff. 17. th. 1. lit. G. cum alijs ex generali edicto sibi liberi emancipati conferre teneantur, l. 1. prin. ff. b. t.

10. Porro ad similitudinem dotis, Leo Imperator constituit, ut donatio propter nuptias conferatur. l. 29 C. de in off. testam. l. 17. C. b. t. sive eà à patre, sive à matre, avo, avia, proavo, proavia, paternis maternis proœcta sit, hactenus nihil inter est.

11. Idem Imperator ex sola æqualitatis consideratione, idem juris esse voluit in successione matris & linea maternæ. d. l. 17. quodolim securus erat, cessante nimis ratione induciva collationis

7.

nisi nempē injuria Bach. da diff. th. 2. lit. a. Vinn. in tratt. de Collat.
cap. 7. n. 3.

12. Justinianus jus hoc partim illeterius extendit, partim etiam restrinxit: Extendendo hodie collationi æquè locum fecit in successione ex testamento ac ab intestato Nov. 18. c. 6. auth. ex testamento. C. b. t. nisi expresse remissa sit aut vetita.

13. Restringendo constituit, ut sola proœctitia conferantur. l. ult. C. b. t. postquam enim liberis in potestate constitutis adventitiorum omnium proprietatem concellerit, recte id ei visum est. De his ut & aliis infra latius dicetur.

14. His premissis, ad definitionem progredior. Collatio, licet in ea definienda Dd. se multum torqueant, definiri potest, quod sit illatio bonorum propriorum cuiusdam generis in communem hereditatem parentum, ut ea inter liberos conferentes & parentibus succedere voleties, sicut cetera bona dividantur.

15. Dividitur collatio ab objecto in generalem, bonorum scilicet arg. rubric. in Digestu & Cod. & specialem, Dotis nimirum, de qua tit. de Collatione doris. Deinde à forma seu modo iterum in generalem, quando ea fieri dicitur boni viti arbitratu. l. 2. §. 2. l. 3. §. 1. ff. b. t. & specialem, quæ sit vel re ipsa vel cautione, l. 1. §. 9. & 11. ff. eod.

16. Videamus itaque, qui conferte teneantur, necne: Conferre tenentur soli liberi (sub quorum appellatione omnes descendentes, præcipue vero usque ad trinopotem continentur. l. 10. §. 7. de grad. & affin. l. 220. ff. de V. 8. & ibi Gedd.) universaliter succedentes per l. 1. ff. b. t. l. 7. l. 16. C. eod. non item illi, qui particuliari titulo aliquid acceperint l. 10. c. eod. Bach. ad Treutl. d. th. I. ltr. D. Riminald. ad l. 9. C. b. n. 233. & seq.

17. Intereat autem jure veteri: an hi libeti essent sui juris effecti, an etiamnum in potestate patris constituti & retenti: Liberti enim, sive per emancipationem, sive citra emancipationem sui patris effecti sint, ceteris liberis in potestate retentis tam jure novo quam veteri conferte obstricti sunt ea, paucis tamen exceptis, quæ ante mortem patris sibi acquisiverunt. l. 3. §. 3. ff. b. t. l. 6. C. eod. modo eos in injuria atque incommodo afficiant iisdemque ex causa successionis quippiam auferant, quibus enim nihil aufertur, iis nec confertur. C. I. A. ad b. t. th. 3. n. 1. Perez, d. l. n. 4.

18. Libet



18. Liberi autem in potestate retenti, qui sui appellari so-
lent, nihil conferre poterant, cum præter castrenia & quasi ca-
strenia, quæ libera sunt ab onere Collationis, l. 1. §. 15. b. t. omnia
parentibus suis acquirerent, §. igitur 1. Inst. per quas pers. cuiq.

19. Hodie non minus sui emancipatis, quam emancipati
suis, immo Sui suis bona defuncti parents participare volentibus
conferre necesse habent. l. 1. pr. de coll. dor. l. 17 & seq. C. h. t. quam-
vis de suis vix dici possit, quod propriè conferant, cum secundum
jus novum adventitiorum honorum nulla sit collatio. l. ult. C. h.
profectitia vero in hereditate conineantur. l. 12. C. eod. C. I. A. d.
th. n. s. l. t. b. t.

20. An autem Emancipatus emancipato conferte tenea-
tur? non immerito dubitate licet, præsertim cum magnus circa
hanc questionem exeat Dd. dissensus. Evidem, si jus vetus spe-
ctetur, quo pari & æquo jure à prætore ad bonorum possessionem
admittuntur, nec alter alteri quicquam vel aufert vel incommmodo
afficit, res expedita erit, quod nimis inter eos iura collationis
locum non habeant. An vero idem novo jure statuendum sit,
magis est, quod dubitari possit, cum tam affirmantes, quam ne-
gantes, suis non videantur destituti textibus. Verum opinionem
statuentium, nec novo jure sibi invicem emancipatos conferre te-
neri in puncto juris vertiorem arbitror, per l. 1. §. ult. l. 2. §. 5. ff. b.
t. l. 9. C. eod. Vid. Brunner. in d. tr. de coll. c. 3. n. 36. & seqq.

21. Quæsumus est de liberis ex primo capite, unde Liberti,
vel tempore vel repudiatione exclusis, ex secundo aut tertio capite,
unde Legitimi, aut unde Cognati autem admissis, utrum hi con-
ferre teneantur? Et negativam sententiam defendere conantur
Nematus. in d. tr. c. 1. n. 19. Riminald. add. l. 9. C. b. n. 202. & seqq.
Affirmativa autem magis placet, quia prætor liberos etiam ex in-
terioribus ordinibus venientes, non tantum ut agnatos aut cognati;
sed etiam ut liberos considerat, per l. 6. §. 2. ff. de Carbon. E-
dict. Cum igitur liberi ex secundo vel tertio capite veniant tan-
quam liberi & jure liberorum succedant, ratio peddi solida non po-
test, cur conferre non debeant Treutl. d. diss. 17. th. 2. lit. a. & ibi
Bach. C. I. A. d. l. n. 10.

22. Quod adoptivos attinet, illi si ab aliquo ascende
adopt

9.

adoptati sint, iis casibus, quibus succedunt, conferre tenentur co-
heredibus ante ab illo patre accepta. Quid si succedant patri na-
turali per bonorum possessionem contra tabulas? Obstricti qui-
dem etiam sunt, sed pater adoptivus pro iis conferre cogitur, l. 1.
§. 14. *Vital. in d. tr. c. 2. n. 19.*

23. Planè si hic pater adoptivus ante bonorum possessio-
nem petitam emancipaverit eos sine fraude & dolo, non cogetur
ad collationem, & adoptivi emancipati collatione fratres priva-
bunt, d. l. 1. §. 14. & l. 5. *in fin. prin. ff. eod.*

24. Nepotes, pronepotes &ceterique ulterioris gradus de-
scendentes, quando ascendentibus succedunt, bona quæ ipsi vel
pater eorum ab iis acceperunt conferre tenentur non solum inter
l. 17. C. b. sed & tum quando cum patruis, amitis, avunculis,
materteris concurrent: hienam illis, & illi his ex nova constitutio-
ne, l. 19. C. eod. conferre obstricti sunt.

25. Idem juris est in nepotibus nondum natis, conceptis
tamen & post mortem avi editis, l. 2. *in pr. ff. h. t. junt* §. 6. & 8.
Inst. de hered. que ab intef. post mortem enim concepti, quia nello
cognitionis jure avum attingunt. d. §. 8. non conferunt.

29. Haecenus de delcentibus: tequuntur Ascenden-
tes, de quibus querere licet; an liberis suis succedentes conferre
teneantur? De jure Veteri eos collatione non fungi expeditum est,
eo enim jure nunquam duo ascendentes simul succedebant, sed
parentes ubi soli erant in successione liberorum pater matrem ex-
cludebat, l. 2. §. 15. *ff. ad 8. Tertill.* l. 2. C. eod. §. preferuntur 3. *Inst.*
eod. quando vero cum liberis aliis superstribus concurrebant, tum
hi patentibus exclusis soli succedebant, l. 1. l. 4. C. *ad 8. t. Orphit.*
de jure autem recentiori, anidem afferendum sit? de eo Dd. inter-
se non conveniunt. Et quamvis affirmativa sententia solidis vi-
deatur nisi rationibus; attamen negativam tanquam veriorem
amplector, afferens, Ascendentes nec novo jure ad collat-
ionem teneri, & ideo, si quid habuerint ex bonis liberorum,
eo præcipuo retento ad successionem nihilominus pervenient, ra-
tio, quia omnes leges æqualitatem inter liberos tantum servare
voluerunt. l. 17. C. b. *Nov. 18. c. 6.* & præterea nullæ lege expresse
cautum reperitur, at collationis oneri ascendentes quoque subja-
ceant.

B

21

ceant. Si quid ergo speciali lege correctum non est, veterum constitutionum regulis uniuersitatem arg. l. 32. §. fin. c. de appell. & sanè quoniam id factum non est, nostrum non erit ad calus in iure nostro non expressos extendere, sed opus erit legislatori extensione arg. l. 19. C. b. & l. 64. §. 9. solut. matrim. præsertim cum in descendentiis disposita ad ascendiens temere producenda non sint. Diversitatis autem ratio, eis descendentes ascendiens succedentes conferte teneantur, & non è contraria eo fundatur, quod illis hereditas parentum iure natura debeat, ascendiens vero miseratione potius & turbato mortalitatis ordine quam iure liberorum bona obveniant. l. 7. in fin. si tab. testam. mill. ext. l. 15. ff. de inoff. testam. Hahn. in observ. ad Wiesemb. h. n. 4.

27. Quod de Ascendiens modo dictum est, idem ad collaterales extendi potest; nam & in his ratio collationis induciva cessat, nec post modum speciali aliqua lege ipsis conferendi necessitas imposita legitur.

28. His annumerandi sunt Extranei; hi namque sive soli, sive cum liberis succedant non nisi instituti veniunt, quo casu iure veteri collatio non habebat locum, quod nec novo iure quoad has personas mutatum videtur.

29. Quod si haec personæ forte ex testamento cum liberis succedant, liberi quidem inter se, non autem illis, nec illa his conferent Brunner. d. c. 3. n. 215. & seqq.

30. Et hæc de subiecto seu personis conferentiis vel non proportionate instituti dicta sufficient: sequuntur nunc bona conferenda & non conferenda: de quibus, quoniam varia sunt, nec omnium eadem est ratio, ac uniformis dispositio in iure, separatim agendum erit, & primò quidem de bonis castris.

31. *Bona castris*, qualia sunt, quæ liberi in bello sive militia armata, aut occasione belli sibi comparaverunt. l. 11. de castr. pec. l. 6. C. de bon. que lib. semper collationis oneri exempta sunt, text. in l. 1. §. 15. ff. b. l. fin. C. eod. nec distinguitur, suntne iij in potestate, an emancipati, qui ea possident, vid. l. 52. §. 8. ff. pro Soc. & §. igitur. 1. Inst. per quas pers. cuiq; acq. & hoc sanè non sine ratione; nam personæ militantes, dum pro totius Reipublica salute, & sic etiam pro singulorum emolumento quam plurimis vita periculis

II.

culis sese exponebant, mortemque ipsam sepius continebant, digni aliquo videbantur premio, & ideo iis immunitas ab onere conferendi à Legislatoribus concessa videtur.

32. Sub hōrum autem numero continentur equi & arma filiofamilias militatum abeunti data. l. 3. l. 4. de castr. pec. & omnia militari servitio in servientia. d. l. 3. item prædia empta ex peculio castrensi, Gothofr. in not. add. l. 3.

33. Quasi Castrensia, qualia sunt, quæ filiusfamil. in toga reipublica operata nayans paravit, in eadem sunt causa cum castrensis, & ea propter in collationem non veniunt d. l. 1. §. 15. b. t. & l. fin. C. eod. l. 4. c. de advoc. divers. judic.

34. Unde colligimus filium in alicujus dignitatis aut administrationis gradu positum, aut causas in foro orantem, in acquisitis ex professione aut ingenio suo non minus juris habere. quam filiofamil. militi armato in bonis castrensis concessum est: præsertim cuia Respublica non minus legibus quam armis defendatur, neque minus generi humano provideat, qui ambigua causarum fata dirimit, suæque defensionis viribus in rebus sèpè publicis ac privatis lapsa erigit, fatigata reparat, quam si pœnulis atque vulneribus patriam parentesque salvaret, text. not. in l. 14. C. de advoc. divers. judicior.

35. An autem etiam sumtus studiorum, quos pater filij nomine erogavit, conferuntur? Et cum aliqualem affinitatem habere videantur cum quasi castrensis bonis rectè à Dd. communiter hoc negatur Brunner. c. 4. n. 57. Enimvero quod hi sumtus liberis à parentibus debeantur, docet non tantum lex divina; sed etiam leges humanæ, imò ipsa naturalis ratio hoc dictitat. (1.) ipsa sacra scriptura hoc evincit Ecclesiast. 7. vers. 25. Si tibi sint filii, erudi illos: Proverb. 23. vers. 13 ibi: noli subtrahere puero disciplinam cum his consentit text. in Epist. ad Ephes. 6. v. 4. ubi D. Paulus patres pietatis paternæ admonens liberos in disciplina & admonitione Domini emittire jubet. (2.) Prohant hoc leges humanæ: Ictus in l. 5. §. 12. ff. de agn. & alend. liber. dicit, rescripto contineri, ut non soquim alimenta, verum etiam cetera quoque onera liborum pater sustinere cogatur add. l. 3. & 4. C. eod. Ex canonica exquitate anathematis is damnatur, qui necessaria alimenta liberis

non præbuerit; C. si quis de reliquerit, l. 14. dist. 30. Confirmat (3.)
hoc ipsum ius naturæ: naturalis enim stimulus parentes ad libero-
rum suorum educationem tanquam viscerum suorum partem hor-
tatur atque incitat l. im. §. 5. C. de rei ux. act. atque ipsa natura hoc
suadet l. 1. §. 3. de just. & iur. pr. Inst. de I. n. g. & C. educatio autem
nontantum curam corporis, nimium alimentorum, vestimento-
rum aut aliarum rerum necessariatum prestationem & præbitio-
nem spectat, verum etiam animi cultum; qui potissimum in do-
ctrina & informatione consistere videtur, requirit: Ex his nunc a-
nimadverti potest, parentes omnino ad hos liberis obstrictos esse.
Superest igitur, ut supra memorata assertio probetur: probatur
autem (1.) per l. un. C. de per. success. par. ubi ea, quæ volente pâ-
tre pro dignitate obtainenda erogantur vel promittuntur, ab o-
mnibus heredibus exsolvenda veniunt, fac. (2.) l. 15. C. deneg.
ges. ubi vitricus mercedes, quas pro privignis magistris sive præ-
ceptoribus erogavit, repeterere non potest, quando paterno affectu
cas subministravity: Si autem in vitrico hoc obtinet, multo magis
in persona parentis ipsius locum inveniet, cuius siue major in li-
beros est affectio, nullusque est affectus, qui parentum vincat, illu-
de Seneca:

Quanto parentes sanguinis vinculoteneri

Natura: quanto colimus invitè quoque?

Stabiliter denique hanc assertionem l. 50. ff. sam. erisc. Licet enim
ibi solus emancipatus liber pronuntietur ab onere conferendi
sumptus studiorum, si pater non credendi animo sed pietate de-
bita ductus misse fuerit comprobatus, magis tamè eadem in fi-
lio in potestate patris constituto obtinebit: si quidem nullum du-
biuum, quin si Jurisconsultus interrogatus fuisset, an idem de filio-
famil. statueret: ita respondisset, utpote quem verisimiliter pater
majori prosequitur affectione & amore, quam emancipatum.
Valet ergo hic communis Dd. regula, quod pro expresso haben-
dum sit, quod partes si de eospecialiter interrogata fuissent, veri-
similiter respondissent.

36. Quæ de patre, & ab eo sumptibus factis dicta sunt,
eadem procedunt etiam in matre l. 34. ff. de neg. ges. l. 11. C. eod.
quia hic est eadem pietatis ratio l. 4. ff. de car. furios. cuius intuitu
mater

23.

mater alimenta quoque liberis debet l. 5. §. 14. ff. de agn. liber. d. l.
xi. C. de neg. goß. Atque secundum hanc sententiam in causa quā-
dām judicatum est m. Septembr. Ann. 1620. Carpzov. in Iurispr. for.
part. 3. conf. 11. def. 17. Cujus verba haec sunt: *Do nun erweh-
nete ewre Mutter bey ihren Leben das senige / was sie in sol-
chen 4. Jahren euch über die 30. M. zur fortreibung ewter
Studien gehichtet/nicht auffgezeichnet etc. So wird nach
gemeiner Wahn der Rechtsgelehrten dasfür gehalten/dass sie
es iure pietatis und aus Mütterlicher Frengiebigkeit gethan/
derowegen send ihr solches in die gemeine Mütterlichen Erb-
schaft zu conferiren / oder an ewren Antheil euch abfurszen
zu lassen nicht schuldig/* V. R. W.

37. Quæritur secundo de expensis in gradum dignitatis &
honorem filii famili. erogatis, an illa conferenda? Et negativam o-
pinionem ut communiorēm, ita veriorem sequi placet, tum pro-
pter textum in l. 1. §. 16. ff. hic. ubi dicit Jurisconsultus, æquum
esse ea, quæ parentes dederunt vel promiserunt adipiscendi hono-
ris causa non conferri, propter onera quæ sustinet filius: onera
namque honoribus coherent l. 2. §. 1. ff. de Vac. mun. tum quod
hiusmodi expensæ occasione militia togata in liberos erogantur,
& sic ad bona quasi castrensis quæ collationis oneri non subjecta
supra diximus, referuntur, tum denique quod pater, utpote qui
per aliquot jam annos filio sumptus subministravit etiam hos in
dubio præsumitur animo donandi fecisse, & proinde in his quoq;
collationem cessare. Carpzov. in fin. d. de fin. 17.

38. Quæritur, 3, an sub studiorum expensis studiosorum
libri continéantur, ita, ut nec eos filius conferre teneatur? Et eos
quasi castrensis bonis anumeramus ac sumptuum literariorum
instat conferri negamus cūm Brünner. d. c. 4. n. 107, nisi forsati
tam leviter studia sua tractaverit, ut neque sibi neque aliis inservi-
re suamque operam literariam exhibere queat: Cum enim in mi-
litiam proficiens filius ea, quæ patre concedente in castra secum
aufert, præcipua habeat, l. 4. in pr. de castr. pec. qualia solent esse
equi & arma & ejus generis alia, ut supra dictum, nihil putare-
mus obstat, quin idem de libris, quos pater filio studiorum causa
peregit abeunt & ad musarum castra tendenti comparavit, idem

B 3

affere.

21

asserere liceret; siquidem & hi arma sunt studiosorum, & illis quæ
necessarij, ut militibus arma, censentur, Goedd. in comm. ad l. 41.
n. 7. de V. S.

39. Occurrit, 4. hic quæsio talis: Pater in vita mittit filia-
um ad studia, sed nondum completo studio moritur pater, nun-
quid fratres istius studiosi coguntur fratri suo studenti sumtus pre-
stare, donec studia sua absolverit, quemadmodum & pater feci-
set; si in vivis mansisset? Verius esse puto, fratres, coheredes pa-
tris, non teneri ex communis alete istum fratrem studentem, quia
in fratribus cessat necessitas illa, ad quam pater obstrictus erat, i-
tidem ille favor & amor, quo pater filium vivens complectebatur.

40. Quod si tamen ad aliquod tempus de communi here-
ditate viuant, & uni studiorum gratia absenti simpliciter sumtus
ad studia in vita patris coopta perficienda suhministrant, non con-
ferendi erunt D. Struv. Syntagma Iurupr. exerc. 37. §. 29.

41. Cæterum debitum in vita patris contractum, modò
sit honestum ac licitum, fratres coguntur conferre de communi-
bus bonis, sicut & ipse pater coactus fuisset, si non esset enorme,
sed tale, quale pater ante consuevit pro filio solvere. l. 7. §. 13. l.
17. ff. ad scđ. Maced. l. 5. C. eod. l. 20. §. 7. ff. fam. eric. l. 15. de mun.
& honor.

42. Quæsumus 5. est; an si pater sumtus studiorum gratia
in filium fam. erogatos in librum rationum vel diarium specialiter
adnotaverit, inde colligatur animus credendi & consequenter
conferendi veniant? quoniam diligentes patres fam. sibi suisque
rebus optimè præsipientes datorum & acceptorum etiam minu-
tissimorum rationes accuratè conscribere soleant eo præcipue sine,
ur quotannis eò facilius rationem eorum habere possint, non sim-
plicerat affirmaremus, ex sola illa annotatione, quæ memorie sal-
tem causa sapientis sit, animatum credendi colligi, arg. l. 5. & 7. C. de
probat. & consequenter hoc negandum, atque ita judicavit Facul-
tas Juridica Lipsiensis hisce formalibus: Das des Patternblos-
se consignation und Verzeichnus in sein Tagebüchlein zur
gesuchten collation, in mangelung anderer Nachrichtung
und Beweises/ nichi gnugfamh/ V. N. W. Carpoz. d. l.
defin. 20.

43. Aliud

43. Aliud forsitan dicendum, ubi de isto animo satis constat, expressis verbis, per protestationem &c, tunc tamen detrahendi sunt sumptus alimentorum, honoraria docentium, viatica vid. Vinn. c. 13. n. 2. & seqq. nisi modum & fortunam facultatum patetnarum excedant, & ceteri liberi debitum honorum subsidium habere non possint, cum ut in erogatione sumptuum pater simili & reliquos liberos responciat. A paterna pietate alienum non sit, & alimento, preceptorum mercedes pro modo facultatum & quantitate participationi decerni ac promitti debeant. l. 5. §. 7. & 19. ff. de agn. & a-cend. lib. l. 2. ff. ubi pup. educ. deb.

44. Progrēdimur ad adventitia. *Adventitia* in hac subiecta materia secundum Dd. dici solent illa, quæ ab extraneo aut cognato, de cuius successione non agitur, profecta, aut prosperiori aliqua fortunâ filiosam. delata sunt.

45. Hæc si considerentur secundum jus antiquum, quo pleno proprietatis & ususfructus jure patri acquirebantur. l. 2. C. de patr. pot. l. 6. C. de bon. que liber. §. 1. Inß. per quas pers. cuiq; acq. potius dividit, quām conferri dicuntur: si respiciatur jus novum & ista bonorum adventitiorum species, cuius proprietas filio, ususfructus & administratio verò in diem vitæ l. 1. C. de bon. matern. patri acquiruntur. dd. II. dicendum erit, quod fructus adventitiorum conferri quidem; dominium autem & proprietas precipua filio manere debeant.

46. Bona adventitia, in quibus pater ne quidem usumfructum habet, collationi non subiiciuntur. fin. C. b. t.

47. Quæsitum est; si patre permittente filius percipiat usumfructum adventitiorum, an talis ususfructus sit extra collationem? Dicendum videtur quod non, quoniam talis ususfructus è bonis patris provenit, quæ autem à patre proveniunt, regulariter in collationem veniunt, ut ex seqq. apparebit. Verum hoc non obstante contrarium probabilius est, intelligitur enim pater donec talem usumfructum filio, adeò quod mortuo patre non teneatur eum conferre, l. 6. §. 1. vers. fin. autem C. de bon. qual. liber.

48. De bonis castrenisbus, quasi castrenisbus & adventitiis, postquam hæc tenus dictum est, restat videare de profectiis, an & quomodo hæc in collationem veniant. Ubi si dicendum ea esse

in duplice differentia: sunt enim vel verē profectitia, vel quasi profectitia. Verē profectitia dicuntur illa, quae liberi à patre vel eius intuitu ab aliis consequuntur. l. 17. C. h. t. junct. §. i. gitur. i. Inst. per quas pers. cuiusq. acq. Quasi profectitia verō sunt, quæ à matre vel cognatis ascendentibus materni generis, quorum de successione agitur, liberis obvenientur. Hahn. d. l. n. s.

49. Inter ea autem occurrit dos, quæ vel data est vel promissa. Dotem datam filia, ceteraque descendentes regulatiter conferre tenentur, text. in authen. ex testamento, C. h. t. & in l. 2. l. 4. 8. 17. C. eod. nec interest profectitia sit an adventitia: modū tractetur de successione ejus parentis, à quo dos hæc profecta sit; nam licet dos illa quoad ius dotum adventitia dicatur, est tamen profectitia quoad causam conferendi Dd. in & per l. 17. C. h. t. Carpz. in Iuriopr. for. 3. const. II. de fin. 14.

50. Hinc apparet ea bona, quæ aliunde quam ab eo, cui succedere quis vult, profecta sunt, non conferri, & sic si matrī succedatur: filia autem habeat dotem à patre, hanc non conferet, quia licet dos hæc se sit profectitia; respectu tamen hujus successiones est adventitia, quia non est à matre profecta.

51. De dote promissa hoc singulare est, quod conferatur per cautionem defensionis seu liberationis, l. I. §. I. 7. 8. de Collat. dot. l. 2. C. de collat.

52. Quid si maritus filiæ adhuc vivat & constet matrimonium? Eo casu necesse habet conferre dotem non realiter, ut eam exactam à marito conferat, sed ut tanto minus auferat ex successione patris l. §. C. h. t. si videlicet in eventum soluti matrimoniū sit actio salva contra maritum; alias etiam nudam actionem crenseque cum fratribus partem habebit, authen. quod loc. C. h. t. Carpzov. cit. loc.

53. Quod sublimitatur, nisi culpā & negligentia uxoris actio facta sit inanis, velut, si à marito vergente ad inopiam, non exegerit dotem, potuit autem exigere, si fuerit legitimā aetatis & sui juris, deinde si fuerit quidem in potestate patris, sed aut dos fuerit adventitia aut profectitia quidem sed patet non obstitit, quo minus exigeret, aut denique si dos fuerit magna, tunc enim dotti exigenda etiam repugnante patre filiae potestas concessa est à Justiniano

*Itinario in Nov. 97. cap. 6. & d. authen. quod locum D. Brunnemans
in Comment. C. add. authen. & ibi Dd. communiter.*

54. Doris Collationi adscribo non modo res in dotem
datas principales, Brautschatz oder Mitgift/ sed cum iis etiam ad-
ditamentum, ut sunt veste pretiosiores, annuli, armillæ, torques
& cætera ad ornatum corporis pertinentia, arg. l. 8. C. de jur.
dot. junct. C. accessorum. 42. de R. I. in 6. Gail. 2. obs. 91. n. 1. 2. & 5.
Wurms. pract. for. tit. 42. obs. 2. Carp. in Iurispr. for. 3. const. II. de
fin. 11. ubi præjudicia more suo refert. Item que ad augenda rei
familiaris gratia liberis subministrantur zur Väterlichen Hülf
und Aufstießw/ non etiam vestimenta in usum quotidianum data
hac enim quodammodo liberis debentur & alimentorum appellati-
one continentur l. 6. de alim. & cib. leg. vid. Gail. d. l. Carpzov.
l. defini. 15.

55. Excipio etiam sumptus in ipsas nuptias & convivium nuptiale factos, cum non presumatur patrem eo animo tales sum-
tus fecisse, ut eorum collatione liberos oneraret, quoniam ad officium probi pannis spectat liberos honeste elocate & nuptui trade-
re, quod lane citra expensas fieri nequit.

56. Quæ de dota dictæ sunt, eadem obtinent in donatione propter nuptias, gegen Vermählnis sicut & ea conferri debeat l. 5. & 7. f. b. l. 29. C. de in off. testam. l. 17. 19. C. de collat.

57. Porro lytron, quod expendit pater pro filio ab hostibus vel latronibus eum redimendo: quippe cum pietatis causa fecisse presumatur, non venit conferendum l. 17. C. de possim. revers. arg. l. 13. C. de neg. gesl. l. 34. ff. cod.

58. Quod autem pœnæ nomine pater ob delictum à filio
perpetratum fisco, Magistratui vel parti læse exsolvit, id postea à
ceteris liberis in successione de portione ejus recte deduci potest,
ne delictum unius alteri noceat. & ita Jenæ in Collegio Juridico
de jure responsum esse Mens. April. Anno 1607. dicit D. Struv. in Syn-
tagm. Iuri pr. exerc. 37. §. 27. Distinguit autem Carpzov. d. l. de fin.
25. §. 6. & seqq. ubi simul pro confitmando sua sententia aliquot
prejudicia adducit.

59. Graviter controvertitur, utrum nimis mera & simplex liberalis à patre solius liberalitatis exercendæ gratiâ facta do-

C 8 natio

Ms. m.ter gvo
etiam compre
hensum puto,
ita sponsali
accessorie is
sumptuum, si
tibz d. gross
inde securu
natur.

natio collationi subiicienda sit? Ad hanc questionem licet Dd. variè respondeant, illorum tamen opinioni iuherendum puto, qui negant in simplici donatione collationi esse locum, modo de liberis in potestate constitutis sit quæstio. Sua est hanc sententiam l. pen. §. 1. in fin. C. b. t. ubi duo casus excipiuntur: primus est, quando parens liberis suj. eā lege donavit, ut donatione conferretur. 2. Est, quando alter ex fratribus vel sororibus dotem vel donationem propter nuptias conferre necesse habet: confirmat hanc sententiam l. 18. C. fam. erit. Qui non obloqui videtur l. 13. C. b. t. Quod enim emancipati à patre donata simpliciter & semper conferre tenentur, nullum in puncto juris videtur habere dubium, Brunner. in d. tr. c. 4. n. 853.

60. Tandem etiam non conferuntur fideicommissa, legata, mortis causa donatio, prælegata l. 10. l. 12. l. 16. C. b. t. item non conferuntur usura & fructus, nisi conferens collationi motam fecerit, quo casu præter rem etiam fructus rei à tempore morte percipitos & usuras præstabat l. 5. §. 1. hic vid. C. I. A. ad b. t. th. 8.

61. Tantum regulariter conferendum est, quantum auferitur l. 1. §. 3. b. t. Conferens enim vitilem portionem sibi retinet d. l. 1. §. ult. l. 2. §. 5. l. 3. §. 2. ff. eod. Excipiuntur autem casus nonnulli, de quibus videre licet C. I. A. ad b. t. th. 10.

62. Toties autem collationi locus est, quoties is, qui in potestate constitutus est, incommodo afficitur. d. l. 1. §. 3. 4. §. l. 1. §. 13. de conj. cum emanc. liber.

63. Sed jure antiquo discrimin erat inter causam testati & intestati: In successione ab intestato, ubi videlicet quis bonorum possessionem contra tabulas, vel, unde Liberi, obtinebat, fiebat tantum collatio: ex testamento autem heredes fratres & sorores non conferebant, nisi hoc ipsum specialiter testator jussisset, l. 1. l. 7. C. de Collat. l. 1. §. 6. ff. eod. l. ult. C. comm. utriusq; judicij ratio erat, quod instituti heredes veniebant ad successionem ex voluntate defuncti, cui liberum est, uni ex liberis plus relinquere quam aliis, modò nulla fraus fiat in legitima l. 8. C. de in off. testam. ab intestato vero succedentes veniunt vi & autoritate legis, quæ omnes inter se exæquat. Verum Justinianus in Nov. 18. c. 6. & authen. ex testamento. C. de Collat. sustulit hoc discrimin, simulque sanxivit,

sanxvit, ut siue quis intestatus moriatur siue testatus, collatio nihilominus locum habeat, nisi testator expressè designaverit se velle non fieri collationem l. i. & d. auth. ex testamento. C. h. quo facto præcipuum (zum Vorauß) quisque liberorum habebit, quod vel dotis nomine vel donationis propter nuptias accepit. Hahn. ad Wesenb. b. t. n. 5.

64. Cum autem textus in d. nov. 18. & auth. ex testamento, prohibitionis & remissionis expressè faciat mentionem, queritur: an ad excludendam collationem omnino expressa requiratur prohibitus testatoris, an verò sufficientia verba generalia & æquipollentia, unde liquidè constare possit, eum collationem remisisse? Posterior negat Hahn. d. l. affirmant autem Treutl. vol. 2. diss. 17. th. 4. lit. C. ibique Bach. Vinn. d. tr. c. 7. n. 6. quorum sententiae magis assentio propter l. 39. §. 1. ff. sam. ericis. Quid enim si pater dicat: Volo, ut liberi mei post obitum meum æqualiter succedant, vel, si pater in compensationem dotis primogenita data, secundæ filiæ aliquid prælegaverit, nonne collatio prohibita censetur? Ita sentit Carpov. part. 3. Iurispr. for. const. II. de fin. 24. sequenti præjudicio hoc confirmans: In causa liberorum M. T. menf. Maj. Ann. 1599. Hat M. T. in seinen letzten Willen verordnet/demz nach er seinen 6. Kinderen erster Ehe ehrliche Wirtschaften aufgerichtet/ und allerley väterliche Hülfse erzeiget/ daß er seine 4. Kinder anderer Ehe so noch klein und unerzogen/ aus Väterlicher Liebe auch etlicher massen zu bedenken entschlossen/ und demnach denenselben usf seinen Todesfall einen jeden 10. neue Schock vorgedachten seinen andern Kindern zum Vorausvermacht haben wolte/etc. So erscheinet daraus so viel, daß den Kindern anderer Ehe solches alles zu ersteitung desjenigen/ was der Vatter den Kindern erster Ehe gegeben/vermacht worden/ und demnach die Künz der erster Ehe gegeben/ das/ so sie von Vatter bey desselben Leben empfangen/ weder in die gemeine theilung zu bringen/ oder an ihrem Antheil ihnen abkürzen zu lassen nich schuldig seyn. B. R. W.

65. Ex supra dictis apparet in successione ex testamento ju re veteri collationi locum non fuisse: an autem si nullum quidem

testamentum, sed codicilli facti sint. Collatio impedita fuit? Treutb.
d.l. Brunner. l. 2. n. 20. & seqq. &c alij distinguunt inter codicillos di-
sponentes de tota hereditate & disponentes de parte aliqua: Priori
casu locum non fuisse collationi tradant, secus autem in casu poste-
riori, verum huic opinioni vix subscribere possum, cum quoad
causam collationis parum aut nihil inter sit, de toto codicilli disponen-
t, an de parte; siquidem ex codicillis non succeditur, de collatio-
ne autem queri non potest, nisi inter eos, qui simul succidunt, sed
hoc modo potius distinguendum puto: Liberi emancipati aut
eo, quod codicillis relictum est, contenti bonorum possessionem,
unde liberi, non appetunt, & certum est eos ad collationem bono-
rum suorum, etiam eorum, que alias a parente accepérunt, non ut-
geri, quoniam nemo ad collationem vocatur, qui non appetit suc-
cessionem l. ex causa 23. c. fam. erit sc. l. ult. de Coll. dor. Aut petunt bo-
norum possessionem, & tunc si cum liberis in potestate concitabant,
bona sua & quæcunquæ alias conferrent, hic quoque conferre te-
nentur, ita tamen ut quod codicillis relictum est, quoniam extero
jure capiunt, præcipuum habeant l. 10. l. 16. c. b. t.

66. Progrechor ad modum, quo Collatio ritè justaque
fieri debeat. Modus autem ille, vel est generalis vel specialis.

67. Generaliter collatio fieri dicitur, quando ea fit boni vi-
ti arbitratu; unde ea, quæ perierunt, sine dolo & culpa conferen-
tis ad collationem non pertinent, l. 2. §. 2. l. 5. §. 1 ff. de Collat.

68. Specialiter fit vel re ipsa vel cautione, l. 1. §. 11. ff. b. t.

69. Re fieri dicitur, cum filius, qui conferre debet, vel
bona in communem hereditatem actualiter infert, utita dividan-
tur, d. l. 1. §. 11, vel cum nomen paterni debitoris delegat, vel pro
portione, quæ conferri debuit, fundum vel aliam rem in collatio-
nem dat. Idem est, si ex bonis hereditariis tantum, quantum is
cui confertur, ex collatione habere debet, remittat aut minus ac-
cipiat d. l. 1. §. 11. & 12. ff. hic l. 5. C. cod Nov. 97. c. 6. daer so lang
in der Theilung zu rück stehet bis die andere auch so viel be-
kommen haben als er schon empfangen.

70. Dubitatur hic an qui conferre rerent præcisè obligetur
rem ipsam præstare, vel ea rerentia sufficiat rei estimationem con-
ferre: Et licet videri possit edicto prætoris & constitutionibus; quæ
æqua-

C.

D

æqualitatem tantum spectant; abunde satisfieri, si pro speciebus & corporibus, quæ acquisivit, æstimatio conferatur, attamen contractarum verius est, per l. 1. pr. ff. de Collat. l. 11. C. eod. Nec obstat, quod delegatione, cessione actionis, in solutu datione, & aliis modis fieri possit, disting. enim inter heredem volentem & obnitem; nam si pars aduersa rei æstimatione præstita acquiescat sola æstimatio sufficiet, cum volenti creditor aliud pro alio solvi possit,

l. 17. C. de fatus.

71. Si ipsius corporis illatio injuriam conferenti afferat, æstimationem ejus sufficere arbitror. Idem juris esse existimat si coheredum non inter se rem ipsam in specie conferri; fieri namque debet omnis Collatio boni viri arbitrarii l. 2. §. 2. ff. b. t. qui sane natiq[ue]am arbitrabitur eam rem in specie conferri deberet, cuius æstimatione coheredes facile & citra damnum contenti esse possunt, cumquod alteri non nocet, & alii prodebat, iura facile concedant l. in summa. 2. §. 5. de aq. & aqua plur. arc. His addere licet casum, quo res collationi obnoxia bonâ fide alienata fuerit, adeoque in specie conferri non possit Vinn. d. tr. cap. 16. n. 4. & seqq.

72. Cautione (quamvis initis propriè) sit Collatio quieties ab eo, qui conferre debet, recte cavetur, l. 1. §. 9. ff. de Collat. Rectè autem cavetur vel per satisfactionem, vel per fidejussores, vel per pignorum sufficientium oblationem, d. l. 1. §. 9. & 11. l. 59. s. ult. ff. Mand. quamvis regulariter prætoriae stipulationes personas desiderent l. 7. depr. stipul.

73. Quid si forte quis ob inopiam rei familiaris caveat non possit de bonis conferendis? Hoc casu non statim ab eo transferenda est possessio portionis sue; sed sustinendus & ferendus est, donec cautionis præstandæ facultatem nanciscatur, ita tamen, ut interim fratribus de iis, quæ morâ deteriora futura sunt, actio detur, ipsique caveant fratri ad conferendum obligato in medium collatuos, si cautum eis fuerit, l. 2. §. fin. ff. de Collat.

74. Si conferens intra aliquod temporis spatium quod ipsi dandum, Gothofr. in not. ad l. 5. §. 1. ff. b. t. adhuc cavere non possit, dabitur curator, qui portionem ejus hereditariam, si tempore per jura sit, vendat & pecuniam servet, alias eam penes se relinquit

Et custodiat, donec ille res collationi obnoxias ritè contulerit, l. i., §. 10. ff. eod.

75. Per cautionem cavere nolenti, cum possit, denegantur actiones hereditariae, quæ alias pro consequenda portione sua hereditaria ei competenter, donec consilium mutet: si quis enim postea adhuc pœnitentia conferat vel intra tempus legitimum delatae possessionis cautionem offerat, recipiet jus suum d. l. i. §. 10. Prætor variante non repellit & consilium mutantis non aspernatur, inquit Juriſconsultus in l. 8. ff. hic.

78. Quod si is, qui collationem detrectat, sit in possessione rerum conferendarum, poterit ad collationem compelli officio judicis, per l. 8. C. h. t. Vital. c. 2. n. 25.

79. Si cautum sit, sed intermissio eo spatio, quo conferre debuit & potuit, non sit collatum, dabitur stipulatori ejusque fratribus in non conferentem actio ex stipulatu, ex ea causa, quod cum potuit non contulit, vel non in solidum contulit, vel dolo fecit, quominus conferret, ut condemnetur in tantam pecuniam, quanti ea res est, C. I. A. ad b. t. th. ult. n. 9. Vital. d. l.

80. Ex iis quæ supra dicta sunt, animadvertere licet finem collationis iure veteri constitisse in compensatione in commodi & injuria, quæ emancipi à prætore ad successionem paternorum bonorum admissi suos & in potestate retentos afficiebant: hodie autem finem, propter quem collatio fit & petitur, hunc esse, ut inter liberos & equalitas servetur, quilibet noverit, per l. 17. l. 20. C. h. t. arg. l. 77. §. 20. de leg. 2. l. fin C. commi. utr. judic.

81. Effectus Collationis, quod bona per collationem in communem hereditatem hereditaria facta dividantur, & actiones quæcumque hereditariae, quæ antea ei denegari poterant, l. II. l. 14. C. h. conferenti competant,

82. Et hec de hac difficultissima & satis intricata materia Collationis bonorum. Longè plura addi quidem potuissent, sed quoniam tempus & ingenij vires monuere filium abrumpere, hic subsistit, interim non pudebit errorem, de quo si monitus fuerit, corrigeret & in melius emendare, cum ut Justinianus ipse agnovit in l. 2. §. 14. de V. I. E. in nullo penitus errare seu in omnibus esse irreprehensibilem & inemendabilem solius magis sit divinitatis, quam humanitatis. Quos

Quos Astræa semel suavi dulcedine Juris
Imbuit, hos totos vendicat ipsa sibi.
Hanc **S P O L T M A N N E** tuis primis se-
ctatus ab annis

Leyes versasti nocte dieq' sacras.
Mox Agrippina, mox Giessa, Noviomagi
Jura laborasti continuare vigil.

Nunc ejus specimen Magno sub Preſide
R E B H A N

Hic Argentina prodis, & Auctor ades.
Gratulor his cæptis, & iter cum fata mo-
rentur

In terras alia tristia, dura, dolor!
Appreco in patriam Tibi iter, quod nunc
meditaris,

Ut sit ter felix, sit comes ipse Deus!

■■■■■

Nobilissimo ac Pereximio Domino
Respondenti Amico & consalino
suo Honoratissimo properabundus
applaudebat

Bertramus Theodorus
à Deingk.

Sic, Spoltmanne, decet factis extendere
famam:
Quo labor est major, gloria major erit.
Sudori

Sudori nulli parcis nullique labori,
Profers dum studia floscula docta tui.
Perge animo vigili, sic culmen aditur ho-
noris,

Quodvera laudis vividus auget amor.
Vive diu felix: Cedant tibi Nestoris anni,
Hæc precor ex animo, dulcis amice vale.

Præstantissimo atq; doctissimo Dn. Theodore
Spoltman consalino suo suavissimo pat-
cula hæc acclamationis ergo apponit

Gerlachius à Boeckhorst,
LL. Stud.

F I N I S.



Strassburg, Diss., 1667
X 22842 98

WONA

Farbkarte #13

Inches Centimetres

	1	2	3	4	5	6	7	8	9	10	11	12	13	14	15	16	17	18	19
B.I.G.																			
Black																			



JURIDICA ATIO- ORUM

50. 13

277

14

1667 13.

feliciter adjutus

idio

NOBILISSIMI,
INSULTISSIMI

NI

EBHANII,

d. & Feudal. Confuet.
urid. Senior. graviss.
filiarij.

ris & Præceptoris
nerandi.

defendere

OLTMANN,

Autor.

bruarij 4. Martij:

RATI,

PASTORII,
LXVII.